



**Nærøyfjorden
verneområdestyre**

Møteprotokoll

Utval: Nærøyfjorden verneområdestyre

Møtestad: Aurland

Dato: 11.10.2022

Tidspunkt: 10:00 - 12:30

Følgjande faste medlemmer møtte:

Namn	Funksjon	Representerer
Trygve Skjerdal	Leiar	Aurland kommune
Audun Mo	Nestleiar	Lærdal kommune
Marta Sofie Vange	Medlem	Vik kommune
Bjørg Djukastein	Medlem	Voss herad
Gunn Åmdal Mongstad	Medlem	Vestland fylkeskommune

Følgjande medlemmer hadde meldt forfall:

Namn	Funksjon	Representerer
------	----------	---------------

Følgjande varamedlemmer møtte:

Namn	Møtte for	Representerer
------	-----------	---------------

Merknader:

Styremedlem Gunn Åmdal Mongstad deltok digitalt på møtet via Teams.

Andre frammøtte:

Magnhild Aspevik - landbrukssjef Aurland, Lærdal, Årdal

Andre frammøtte:

Namn

Anbjørg Nornes

Ivar Optun Andersen

sekretær / verneområdeforvaltar

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Trygve Skjerdal

Audun Mo

Saksliste

Utvalgs- saksnr	Innhold	Lukket	Arkiv- saksnr
ST 20/22	Godkjenning av innkalling og dagsorden		
ST 21/22	Val av styremedlem til å skrive under protokollen		
ST 22/22	Orienterings- drøftings- og referatsaker		
RS 32/22	Høyring - Kulturhistorisk landskap av nasjonal interesse - Sogn og Fjordane		2022/11607
RS 33/22	Dispensasjon - delegert vedtak - Nærøyfjorden landskapsvernområde - Fristølen - helikoptertransport av utstyr		2022/12459
RS 34/22	Dispensasjon - delegert vedtak - Nærøyfjorden landskapsvernområde - Lintu - helikoptertransport av materiale til stølshus		2022/11148
RS 35/22	Dispensasjon - delegert vedtak - Nærøyfjorden landskapsvernområde - Drægo til Hjølmo - motorferdsel på barmark - utvida transportperiode		2022/4691
ST 23/22	Godkjenning - revidert skjøtselsplan for Styvi - Nærøyfjorden landskapsvernområde		2022/9333
ST 24/22	Nærøyfjorden landskapsvernområde - Skalmenes - gravemaskin til grunnmursarbeid		2022/13135
ST 25/22	Nærøyfjorden verneområdestyre - ny medlemsliste - rådgjevande utval		2022/2466
ST 26/22	Nærøyfjorden landskapsvernområde - Øvste Stegen Høgdegard - etablering av grisehus og gjerde		2021/9262
ST 27/22	Nærøyfjorden landskapsvernområde - Drægo Hjølmo, motorferdsel vinterføre - uttransport av felt hjort		2022/11712
ST 28/22	Nærøyfjorden landskapsvernområde - Ljosdalen - oppføring av utedo		2022/11835
ST 29/22	Nærøyfjorden landskapsvernområde - Ljosdalen - reiskapsbu		2022/11835

ST 20/22 Godkjenning av innkalling og dagsorden

Saksprotokoll i Nærøyfjorden verneområdestyre - 11.10.2022

Handsaming i møte

Vedtak

Innkalling og dagsorden vart godkjent.

ST 21/22 Val av styremedlem til å skrive under protokollen

Saksprotokoll i Nærøyfjorden verneområdestyre - 11.10.2022

Handsaming i møte

Framlegg på Audun Mo til å skriva under møteprotokollen.

Vedtak

Audun Mo vart valt til å skriva under møteprotokollen saman med styreleiar.

ST 22/22 Orienterings- drøftings- og referatsaker

Saksprotokoll i Nærøyfjorden verneområdestyre - 11.10.2022

Handsaming i møte

Rådgjevande utval for Nærøyfjorden verneområdestyre vert invitert til dialogmøte 5. desember kl. 17.00 - 20.00. Møtestad i Flåm. Tema på møtet skal vera motorferdsel og omsyn til vilt, tilstandsrapporten for Aurlandsfjorden og Nærøyfjorden, verneverdiane i Nærøyfjordområdet.

Styremøtet vert flytta til 6. desember kl. 08.30 i Flåm.

Vedtak

Referatsaker vart tatt til orientering.

ST 23/22 Godkjenning - revidert skjøtselsplan for Styvi - Nærøyfjorden landskapsvernområde

Saksprotokoll i Nærøyfjorden verneområdestyre - 11.10.2022

Handsaming i møte

Innstilling frå forvaltar vart vedtatt med ei tilføyning: arealtala i tabellane i kapittel 8 skal rettast frå 135 til 147 daa.

Vedtak

Nærøyfjorden verneområdestyre godkjenner revidert skjøtselsplan for Styvi – Nærøyfjorden landskapsvernområde, rapport 2022 – 36, med fylgjande tilføyningar:

- Vetlestyvi skal leggjast til i overskrifta i tillegg til Skalmenes under kapittel 4.4.2 Råd for ulike delområde, punkt 1. Omtale av skjøtsel av Vetlestyvi skal leggjast til under dette punktet.
- Samla arealtal for begge bruka skal rettast frå 135 til 147 daa. Arealtala skal leggjast inn i tabellane i kapittel 8.
- Tabellen med spesifisert skjøtsel for kvart område skal vera med som vedlegg til skjøtselsplanen, Uttale frå Aurland kommune 09.09.2022 – Areal drive av grunneigar Bjørn Henning Hov.
- Det skal etablerast overvaking av bevaringsmål for representativ seminaturleg eng og eng i tidleg gjengroing. For kvart område skal det lagast metode for overvaking. Framlegg til overvakingsmetode skal utarbeidast i samråd med SNO. Overvaking av bevaringsmåla skal knytast til fagsystemet Naturstatus i verneområde (NatStat), og med tilhøyrande feltapplikasjon NatReg. Overvaking av bevaringsmål skal leggjast inn i skjøtselsplanen under kapittel 7 Mål.

ST 24/22 Nærøyfjorden landskapsvernområde - Skalmenes - gravemaskin til grunnmursarbeid

Saksprotokoll i Nærøyfjorden verneområdestyre - 11.10.2022

Handsaming i møte

Vedtak i samsvar med innstilling frå forvaltar.

Vedtak

Nærøyfjorden verneområdestyre gjev Bjørn Henning Hov løyve til å nytte gravemaskin til arbeid på grunnmuren til løa på Skalmenes, gnr. 58 bnr. 1. Løyve er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

Løyvet gjeld med fylgjande vilkår:

- Det skal nyttast ein minigraver med gummibelte, og med maksimal vekt på 1000 kg.
- Minigravar skal køyrast med båt til og frå Skalmenes, og beltast i land frå båten nær grunnmuren til løa. Det skal ikkje køyrast med minigravar på innmarka på Skalmenes.
- Minigravar skal nyttast til å grave ut lausmassar som har kome inn i tomta, og mura opp att grunnmurane til uteløa på Skalmenes.
- Minigravar skal nyttast til å legge på plass steinar som har glidd ut frå bakkemuren mellom innmarka og fjorden på Skalmenes. Minigravar skal berre køyrast på stranda på sjøsida på av muren.
- Istandsetting av grunnmuren skal gjerast i samsvar med godkjente planar for gjenreising av løa på Skalmenes (saksprotokoll 25/21 Nærøyfjorden verneområdestyre).

- Minigravar skal transporterast ut av området straks arbeidet er gjennomført, og innan 01.12.2022.

Dette løyvet er berre handsama etter reglane i verneforskrifta.

Tiltakshavar har plikt til å vise varsemd og til straks å melde frå til Vestland fylkeskommune ved kulturavdelinga dersom det under arbeid vert støytt på automatisk freda kulturminne jf. lov om kulturminne § 8, 2. ledd.

ST 25/22 Nærøyfjorden verneområdestyre - ny medlemsliste - rådgjevande utval

Saksprotokoll i Nærøyfjorden verneområdestyre - 11.10.2022

Handsaming i møte

Styret kom med fylgjande tilføyingar til medlemslista:
Raudafjell villreinutval vert lagt til som medlem. Sogn og fjordane turlag og Lærdal turlag kan stille med kvar sin medlem.

Innstilling frå forvaltar vart vedtatt med tilføyingane frå styret.

Vedtak

Nærøyfjorden verneområdestyre set opp fylgjande medlemsliste for rådgjevande utval for Nærøyfjorden verneområdestyre:

Organisasjon/representant

Aurland fjellstyre
Lærdal fjellstyre
Bakka grendalag
Nærøy Vel
Dyrdal grendalag
Undredal grendalag (Undredal sameige kopimottakar)
Vener av Flåmsdalen
Jordalen grendalag (Jordalen grunneigarlag kopimottakar)
Fresvik bygdalag (Fresvik beitelag og Fresvik grunneigarlag kopimottakarar)
Grunneigarrepresentant Styvi
Grunneigarrepresentant Stigen
Representant Frønningen
Visit Voss
Visit Sognefjord
Naturvernforbundet Hordaland
Naturvernforbundet Sogn og Fjordane
Forum for natur og friluftsliv (FNF) Sogn og Fjordane/Hordaland
Villreinnemnda for Nordfjella, Fjellheimen og Raudafjell
Nordfjella villreinutval
Fjellheimen villreinutval
Raudafjell villreinutval

Sogn og Fjordane Turlag
Lærdal Turlag
Aurland Turlag
Voss Utferdslag
Vik Turlag
Statsforvaltaren i Vestland
Verdsarvkoordinator Vestnorsk fjordlandskap, Nærøyfjorden
Nærøyfjorden Verdsarvpark
Sognefjorden Vel
Høgskulen i Vestland
Aurland Hamnevesen

SNO er representert på møta, men er ikkje medlem i rådgjevande utval.

ST 26/22 Nærøyfjorden landskapsvernområde - Øvste Stegen Høgdagard - etablering av grisehus og gjerde

Saksprotokoll i Nærøyfjorden verneområdestyre - 11.10.2022

Handsaming i møte

Innstilling frå forvaltar vart godkjent med eit tillegg:

Styret oppmodar om at det vert utarbeid driftsplan for dyrehaldet før eventuell ny søknad.

Vedtak

Nærøyfjorden verneområdestyre gjev Ottar Stegen løyve til å ha elektrisk gjerde og midlertidig griseskur ståande der det er etablert på Øvste Stegen til 01.10.2023. Kartet i saka viser plassering av tiltaket. Løyvet er gjeve med heimel i verneforskrifta for Nærøyfjorden landskapsvernområde § 3, punkt 1.3 b) og f).

Løyve er gjeve med fylgjande vilkår:

- Griseskuret skal stå der det er vart sett opp i 2021. Grunnflate er på inntil 2 x 1,5 meter og har ei høgd på inntil 1,5 meter. Det har tre vegger av tre og tak av gamle

bølgjeblekkplater.



- Gjerde markert med lilla farge i kartet, kan flyttast vest til fjøsbygget.
- Gjerde og grisehuset skal fjernast innan 01.10.2023.

Styret oppmodar om at det vert utarbeid driftsplan for dyrehaldet før eventuell ny søknad.

ST 27/22 Nærøyfjorden landskapsvernområde - Drægo Hjølmo, motorferdsel vinterføre - uttransport av felt hjort

Saksprotokoll i Nærøyfjorden verneområdestyre - 11.10.2022

Handsaming i møte

Vedtak i tråd med innstilling frå forvaltar.

Vedtak

Nærøyfjorden verneområdestyre gjev Gunnstein Ohnstad løyve til inntil 10 turar tur/retur med beltegåande ATV på snøføre mellom Drægo (Tråni) og Hjølmo for uttransport av felt hjort. Løyvet til uttransport gjeld jaktrettshavar på gnr. 67 bnr. 3, 5 og 7. Løyvet gjeld i perioden frå 15.11.2022 – 31.01.2023. Løyve til uttransport av felt vilt er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

- Løyvet gjeld med fylgjande vilkår:
- Transporten skal avgrensast til det som er strengt naudsynt for uttransport av felt hjort.
- Dersom andre jaktrettshavarar treng transport av felt hjort frå Hjølmo, skal transporten samordnast med dei andre jaktrettshavarane.
- Transporten skal meldast seinast dagen før til Statens naturoppsyn v/Kristoffer Ullern Hansen (mob. 970 97 720).
- Dette løyvet og køyrebok skal vera med under transport. Køyrebok skal førast før turen startar.

- Det skal sendast skriftleg rapport om transporten innan 1. mars 2023 til sekretariatet for verneområdestyret.

ST 28/22 Nærøyfjorden landskapsvernområde - Ljosdalen - oppføring av utedo

Saksprotokoll i Nærøyfjorden verneområdestyre - 11.10.2022

Handsaming i møte

Vedtak i tråd med innstilling frå forvaltar.

Vedtak

Nærøyfjorden verneområdestyre gjev Siver Wangen, gnr. 49 bnr. 1, løyve til å sette opp utedo ved sankebua i Ljosdalen. Løyvet er gjeve med heimel i verneforskrifta for Nærøyfjorden landskapsvernområde § 3 punkt 1.3 b).

Løyvet gjeld med følgjande vilkår:

- Utedoen skal plasserast tett ved sankebua. Denne plasseringa er markert som reiskapsbu i situasjonskartet vedlagt søknaden. Kartkoordinat: UTM sone 32, 6747738, 395623.
- Bygget kan ha ein storleik med ytre mål på inntil 1,0 meter x 1,0 meter.
- Bygget skal vera kledd med trepanel og ha pulttak.
- Restmateriale og avfall skal takast hand om på ein miljøforsvarleg måte. Restmateriale, avfall og utstyr skal fraktast ut av området når byggearbeidet er avslutta.
- Rapport med bilde av tiltaket skal sendast til sekretariatet for verneområdestyret når arbeidet er avslutta, og innan 01.09.2023.

Dette løyvet gjeld berre tilhøve etter verneforskrifta. Søkjar må avklara med Aurland kommune om tiltaket er søknadspliktig etter plan- og bygningslova.

ST 29/22 Nærøyfjorden landskapsvernområde - Ljosdalen - reiskapsbu

Saksprotokoll i Nærøyfjorden verneområdestyre - 11.10.2022

Handsaming i møte

Vedtak i tråd med innstilling frå forvaltar.

Vedtak

Nærøyfjorden verneområdestyre gjev avslag på søknaden om oppføring av reiskapsbu ved sankebua i Ljosdalen. Vedtaket om avslag er gjort med heimel i verneforskrifta for Nærøyfjorden landskapsvernområde § 1.1 punkt a).
Vedtaket er samtidig å rekna som eit varsel om retting av tiltaket.